

» vendentes, et emite vobis¹: » sicut in quodam libro Sapientiae scriptum est, ubi contemptoribus dicit: « Et » ego perditioni vestræ superridebo². » Illa autem responsione, qua petentibus oleum dictum est: « Ne forte » non sufficiat nobis et vobis, » non desperanter, sed humiliter dictum est. Quis enim sic præsumat de conscientia sua, ut certus sit eam sibi in judicio Dei posse sufficere, nisi misericordes misericorditer judicet? « Judicium enim » sine misericordia illi, qui non fecit misericordiam³. » Ipsæ autem sunt lampades accensæ, opera scilicet bona, de quibus Dominus dicit: « Luceant bona opera vestra » coram hominibus, et glorificant Patrem vestrum qui » in coelis est⁴. » Huc usque pertendit intentio virginum sapientium, ut ideo velint videri ab hominibus opera sua bona, non quo ab eis laudentur ipsæ, sed ut glorificetur Deus, a quo illis est quod bene operantur: ac per hoc interiori bono gaudent, quod est coram Deo, ubi eleemosyna in occulto, ut Pater, qui videt in occulto, reddat. Et ideo non deficiunt lampades, quia interiori oleo vegetantur, id est, intentione bonæ conscientiæ, qua coram Deo fit in ejus gloriam, quidquid coram hominibus in bonis operibus lucet. At vero stultarum virginum hoc oleum non secum portantium deficiunt lampades, id est, non perseveranter bona opera lucent, cum laus humana fuerit subtracta, propter quam illa faciebant, huc usque intentionem suam perducentes ut viderentur ab hominibus, non ut glorificaretur Pater, qui in coelis est. Quæ intentio perennis est gloriæ, qua novit anima Deo se debere quod justificata est ad facienda bona opera, et ideo in illo non in se laudari amat. Unde alibi homo Dei

¹ Math. xxv, 9. — ² Prov. 1, 26. — ³ Jacob. ii, 13. — ⁴ Math. v, 16.

cantat: « In Domino laudabitur anima mea¹, ut qui » gloriatur, in Domino gloriatur². »

LXXVI. Sed quid est quod in eadem Evangelii lectio scriptum est, omnes sponso tardante dormisse³? Somnum istum si intellexerimus, quod velut tardante judicio, ad quod faciendum venturus est Christus⁴, abundantie iniquitate charitas refrigescit, quomodo ibi ponemus virgines sapientes, cum potius in illis sint de quibus dicitur, « Qui autem perseveraverit usque in finem, hic salvus erit⁵. » Dictum est ergo, « Dormierunt omnes; » quia non tantum stulti, qui propter humanam laudem bona operantur coram hominibus, verum etiam sapientes, qui hoc propterea faciunt ut laudetur Deus, experientur istam mortem: ex utroque enim genere moriuntur. Et ista mors sæpe in Scripturis dormitio dicitur, propter futuram resurrectionem velut evigilationem. Hinc Apostolus dicit: « De dormientibus autem nolo vos » ignorare fratres⁶; » et alio loco, « Ex quibus plures » manent usque adhuc, quidam autem dormierunt⁷. » Et alia innumerabilia in hoc testimonia aperte per Scripturas utriusque Testamenti reperiuntur. Unde et ille ait, « Consanguineus lethi sopor⁸. » Et si advertas, multa invenies etiam in sæcularibus litteris, ubi mors somno comparatur. Significavit ergo Dominus futurum esse tempus, quo inter tribulationes et tentationes sæculi hujus, jamjamque ejus expectaretur et speraretur adventus, tanquam propinquus atque imminens, ad quem se præparent, qui in ejus esse familia videntur. Hoc est enim quod ait, exisse obviam sponsō et sponsæ⁹, Sponso quidem Filio Dei: sponsæ autem, sive quia in eo corpore

¹ Psal. xxxix, 2. — ² 1 Cor. i, 31. — ³ Matth. xxv, 5. — ⁴ Id. xxiv, 12. — ⁵ Ibid. 13. — ⁶ 1 Thess. 4, 12. — ⁷ 1 Cor. xv, 6. — ⁸ Virg. Æneid. vi. — ⁹ Matth. xxv, 1.

venturus est, quod sumpsit ex virgine; sive quia ipsa Ecclesia tunc clarior apparebit, ut ad universi corporis congregationem membra concurrant, quibus concurrentibus, ejus magnitudo monstrabitur.

LXXVII. Virgines propter continentiam nuncupavit. Decem vero, id est, quinque et quinque, propter numerum quo censentur corporis sensus, in quibus habitat continentia, cum a voluptatibus turpibus et illicitis abstinetur. Lampades, sicut dictum est, bona sunt opera, maximeque ad misericordiam pertinentia; et ipsa quæ etiam coram hominibus lucet laudabilis conversatio. Sed magni interest, qua mentis intentione fiat: ideo dicit alias sapientes, stultas alias. Sed hinc eas discernit, quod stultæ non sumpserunt oleum secum, sapientes autem acceperunt oleum in vasis suis, hoc est, in cordibus suis, ubi fit ipsa participatio intimi ac superni boni. Unde in Psalmo quodam, cum dictum esset: « Sacrificate sacrificium justitiae, et sperate in Domino. Multi, inquit, dicunt: Quis ostendit nobis bona¹? » Deinde ut manifestaret cuius boni amore debeamus operari justitiam, hoc est, sacrificare sacrificium justitiae, « Signatum est, inquit, in nobis lumen vultus tui, Domine: dedisti lætitiam in corde meo. » Cujus boni aliquantum participati, et plenius perfectiusque participandi intentione, qui bene operatur, et laudabiliter etiam in conspectu hominum conversatur, habet oleum secum, quo bona opera ejus etiam in conspectu hominum lucentia non extinguntur: quia non in eo charitas refrigescit abundante iniquitate, sed perseverat usque in finem. Hoc oleum stultæ virgines non habent secum, quoniam sibi tribuendo si quid boni operis faciunt, necesse est inflentur superbia, et propter hoc vitium sic laude delectentur humana, ut

¹ Psal. IV, 6.

ejus gaudio, si quid boni agunt, fervere et lucere videantur.

LXXVIII. « Tardante autem sponso, dormierunt omnes. » Non enim tunc veniet cum speratur, sed media nocte cum valde obscurum, id est, occultum erit anniversari. Unde dicit, media nocte clamorem factum: « Ecce sponsus venit, exite obviam ei². » Nimurum clamor iste ipsa est tuba illa, quam commemorans Apostolus dicit: « Canet enim tuba, et mortui resurgent incorrupti³. » Tubæ nomine aliquod evidentissimum et præclarissimum signum vult intelligi: quam vocem Archangeli et tubam Dei alio loco dicit⁴. Quæ etiam vox ipsius Domini Jesu Christi in Evangelio dicitur⁴, quam audiunt ii, qui in monumentis sunt, et procedent. Surgunt ergo omnes virgines illæ, et sapientes et stultæ, et appetant lampades suas, id est, rationem præparant reddere de operibus suis.

LXXIX. Sed tunc in illius clamoris evidentia et resurrectione mortuorum, quia nulla erit dubitatio jam instantis præsentisque judicii, subtrahetur omne solarium laudis humanæ. Neque enim vacabit de alio disceptare, vel de alio judicare, aut gratificari atque suffragari alteri, quando unusquisque proprium onus portabit, et de suorum factorum reddenda ratione cogitabit; ac per hoc feretur animus quidem virginum stultarum consuetudine propria, sed non inventis laudibus humanis desiciet. Neque enim germanitus dixerunt: « Apud te laus mea⁵; » vel, « In Domino laudabitur anima mea⁶; » aut in Domino gloriatae sunt, cum ignorantes Dei justitiam, suam justitiam constituerent⁷. Ac per hoc petunt a sapientibus oleum, hoc est, aliquam consolationem;

¹ Matth. xxv, 6. — ² 1 Cor. xv, 52. — ³ 1 Thess. iv, 16. — ⁴ J. ad. v, 28.

⁵ Psal. xxi, 26. — ⁶ Psal. xxxiii, 3. — ⁷ Rom. x, 3.

nec inveniunt nec accipiunt, illis respondentibus se nescire, utrum vel sibi sufficiat ipsa conscientia, qua expectant misericordiam sub illo iudice, qui cum in throno sederit, quis gloriabitur castum se habere contum, aut quis gloriabitur mundum se esse a peccato, nisi superexultet misericordia iudicio²? quae super eos erit; qui misericordiae opera illa intentione fecerunt, ut eorum miserentur, a quo se sciebant accepisse quod habebant; nec glorabantur quasi non acceperint³, sed per se ipsos habuerint quo placent; sicut stulti qui et sibi placent tanquam de bono a se sibi parato, et ab adulantibus vel errantibus ita laudantur ac si ipsi sint aliquid. « Qui autem putat se esse aliquid, cum nihil sit, sicut dicit Apostolus, se ipsum seducit. Opus autem suum probet unusquisque; » et tunc in se ipso tantum gloriam habebit, et non in altero⁴; » hoc est, portare oleum secum, non ex aliena laude dependere. Sed quam gloriam in se habebit, nisi eum qui dicitur: « Gloria mea, et exaltans caput meum⁵: » ut quod saepe dicendum est, qui gloriatur, in Domino gloriatur⁶.

LXXX. Proinde sapientia quae in sapientibus virginibus habitat, secundum illud quod ante praedixit, cum ait contemptoribus, et sanam doctrinam accipere recusantibus: « Et ego vestrae perditioni superridebo⁷; » dicit stultis virginibus: « Ite potius ad vendentes, et emite vobis⁸; » tanquam diceret: Ubi sunt qui vos fallebant mendozissimis laudibus, quando et a vobis fallebamini, quia in vobis non in Domino gloriabamini? Quod autem dicit: « Et dum eunt emere, venit sponsus; quae paratae erant, intraverunt cum eo, » hoc mihi videtur intelli-

¹ Prov. x, 9, juxta LXX. — ² Jacob. ii, 13. — ³ 1 Cor. iv, 7. — ⁴ Galat. vi, 3. — ⁵ Psal. iii, 4. — ⁶ 1 Cor. i, 31. — ⁷ Prov. i, 26. — ⁸ Matth. xxv, 9.

gendum, quod vitioso cordis affectu inhiabunt mani gloriae, quam yanæ mentis elatione sectatae sunt. Et ipse appetitus significatus est in eo, quod dictum est: « Dum cunct emere, venit sponsus; et introierunt cum eo ad nuptias, quae paratae erant, » hoc est, quae veram fidem veramque pietatem corde gestabant, qua possent contemporari numero societatis Sanctorum, non in se ipsis, sed in Domino gloriantum, ut intrarent cum eis in illud gaudium, de quo dicitur: « Intra in gaudium Domini tui: » ubi erit perfecta participatio incommutabilis boni, cuius modo velut arrha quædam per fidem tenetur, ut secundum hanc gratiam vivamus, in quantum Deo, non nobis vivimus.

LXXXI. Proinde quod sequitur: « Novissime veniunt et reliquæ virgines, dicentes: Domine, Domine, aperi nobis¹; » non dictum est eas emisse oleum, et sic venisse, neque enim jam erat unde; sed misericordiam sero quæsiisse, cum jam tempus judicandi esset, et probos a reprobis separandi. Recte autem illis respondet: « Amen dico vobis: Nescio vos². » Ille quippe hoc dicit, quem non latet aliquid. Sed, « Nescio vos, » nihil aliud est quam, Nescitis me, quando de vobis potius eligitis confidere, quam de me. Cum enim dicitur quod nos cognoscit Deus, cognitionem sui nobis præstat, ut per hoc intelligamus, ne hoc quidem nobis esse tribuendum, quod nos scimus Deum, sed eam quoque scientiam illius misericordiae tribuamus. Unde cum quodam loco Apostolus diceret: « Nunc autem cognosentes Deum » corredit, et ait: « Imo cogniti a Deo³: quid aliud volens intelligi, nisi quod eos ipse fecerit cognitores suos? Nemo autem cognoscit Deum, nisi qui intelligit illum esse summum atque incommutabile bonum, cujus parti-

¹ Matth. xxv, 11. — ² Ibid. 12. — ³ Galat. iv, 9.

cipatione fit bonus : quod in hujus Psalmi conclusione positum est : « Annuntiabunt justitiam ejus populo qui nascetur, quem fecit Dominus¹. » Inde est et illud quod in alio Psalmo : « Ipse fecit nos, et non ipsi nos². » Hoc enim non ad eam naturam, qua homines sumus, cuius naturae idem ipse creator est, qui coeli et terrae, siderum omniumque animantium ; sed ad illud potius referendum est, quod Apostolus ait : « Ipsi enim sumus segmentum creati in Jesu Christo in operibus bonis, quae præparavit Deus, ut in illis ambulemus³. »

LXXXII. Arbitror tibi sati esse solutas tuas quinque quæstiones, dum in ista mea veluti sexta immorarer, quam mihi proposui *de gratia Novi Testamenti*, propter quam Verbum caro factum, id est, qui Filius Dei erat, homo factus est⁴, naturam suscipiendo nostram, non amittendo suam : per quod et nobis recipientibus eum potestas daretur, ut qui eramus homines, filii Dei fierimus participatione incommutabilis boni in melius commutati, non ad temporalem felicitatem, sed ad vitam æternæ : quæ sola beata est, adoptionem. Unde placuit etiam propheticum Psalmum percurrere, cuius primum versum in passione commemoravit, ostendens quomodo nos Deus derelinquit, et quo alio modo non recedat a nobis, ad bona æterna nos colligens, temporalia vero aliquando utiliter tribuens, et aliquando utiliter subtrahens ; ut eis non hærere discamus, ne contempta luce interiore, quæ ad novam pertinet vitam, (unde etiam Psalmus iste ipse « Pro susceptione matutina, » tanquam pro luce nova, nomen accepit) in exteris tenebris libenter habitemus, unde in exteriores mittuntur, qui ex ipsis exteris non se ad interiora convertunt ; ne diabolo et angelis ejus sociati, extrema damnatione puniamur. Intelli-

¹ Psal. xxxi, 32. — ² Id, xcix, 3. — ³ Ephes. ii, 10. — ⁴ Joan. i, 14.

gentes igitur peregrinationem nostram in hæ vita, mundo crucifigamur, extendentes manus in latitudinem bonorum operum, et longanimitate usque in finem perseverantes, atque habentes cor sursum, ubi Christus est in dextera Dei sedens¹, totumque hoc non nobis, sed illius misericordiæ tribuentes, cuius profunda judicia omnem scrutatorem fatigant. Hæc est enim non inaniter fabulosa, sed utiliter verax latitudo, longitudo, altitudo, profundum, unde perveniamus etiam ad supereminente scientiam charitatis Christi, et impleamur in omnem plenitudinem Dei.

LXXXIII. Scio autem quam non supervacanea solitudine, per hanc occasionem quætionum mihi abs te propositarum Novi Testamenti gratiam tibi voluerim copiosus commendare. Habet enim adveriarios, qui ejus profunditate turbati, non Deo tribuere sed potius sibi volunt arrogare quod boni sunt. Nec tales sunt, quos facile contemnas; sed continenter viventes, atque in bonis operibus laudabiles : nec falsum Christum sicut Manichæi aliqui plurimi hæretici; sed eundem verum æqualemque Patri et coæternum, veraciterque hominem factum, et venisse credentes, et venturum expectantes; sed tamen ignorantes Dei justitiam, et suam constituere volentes². Neque enim frustra Dominus, cum et illas memoraret, quæ secum intraverunt ad nuptias, et illas contra quas januas clausit, et quibus respondit : « Ne scio vos³, » utrasque virgines dixit, propter continentiam ; et quinque propter concupiscentiam carnis edomitam, quinario præditam sensu ; ornatas utrasque lampadibus, propter bonorum operum bonæque conversationis in conspectu hominum luculentissimam laudem ; utrasque obviam sponso euntes, propter expectationem

¹ Coloss. iii, 1, 2. — ² Rom. x, 3. — ³ Matth. xxv, 10-13.

quia Christi speratur adventus : sed tamen alias sapientes ;
alias stultas , quod sapientes oleum acceperunt in vasis
suis, stultae autem hoc non ferebant secum : in tam mul-
tis pares, hoc solo eas dispares demonstrat, hoc solo
diversa eis et contraria nomina imponit.

LXXXIV. Quid enim tam conjunctum quam virgines et virgines, quinque et quinque lampadibus ornatae, ob viam sponso eentes et istae et illae? Et quid tam contrarium quam sapientes et stultae? videlicet quod istae oleum in vasis, hoc est, intelligentiam gratiae Dei portant in cordibus suis, scientes quod nemo possit esse continens nisi Deus det¹, et hoc ipsum sapientiae deputantes, scire cujus hoc donum sit: illae autem largitori omnium bonorum gratias non agentes, evanuerunt in cogitationibus suis², et obscuratum est insipiens cor earum, dicentes se esse sapientes stultae factae sunt? De quibus sane nullo modo nunc desperandum est, antequam dormiamus. Sed si ita dormierint, cum factus fuerit clamor ille, quo adesse jam nuntiabitur sponsus et evigilantes, hoc est resurgentes remanserint foris: non quia virgines non sunt, sed quia nescientes unde habeant quod sunt, stultae virgines sunt meritoque foris erunt, quia internae affectum gratiae non secum ferunt.

LXXXV. Quando tales ergo repereris, non tibi persuadeant inanitatem vasorum suorum, sed tu eis potius plenitudinem. Unde ait Apostolus : « Quisquis se putat aliquid scire, nondum scit quemadmodum oportet scire. » Et mox ostendens qui dixerit : « Quisquis autem , inquit, » diligit Deum, hic cognitus est ab illo ³. » Nec sic dicere voluit, cognovit eum, sed dicendo : « Cognitus est ab » illo » expressius voluit commendare , etiam hoc ab illo nobis esse, ut eum diligamus. Charitas enim Dei diffun-

¹ Sap. viii, 21. — ² Rom. i, 21, 22. — ³ 1 Cor. viii, 2, 3.

ditur in cordibus nostris, non per nos ipsos, sed per Spiritum sanctum qui datus est nobis⁴. Necesse est autem ut parum diligit Deum, qui non ab illo, sed a se ipso bonum se arbitratur effectum : unde autem fieri potest ut talis non in se ipso, sed in Domino glorietur²? Qui enim gloriatur quod sit bonus, in illo debet gloriari, a quo factus est bonus; ac per hoc qui se a semetipso factum bonum arbitratur, consequens est, ut in se ipso non in Domino glorietur. Omnis autem intentio gratiae Novi Testamenti qua sursum cor habemus, (quia omne datum, optimum, et omne donum perfectum de sursum est³), id agit ne simus ingrati : atque in ipsa gratiarum actione nihil aliud agitur, nisi ut qui gloriatur in Domino glorieatur. Habet librum, etsi prolixum, tamen quantum existimo non superfluum. Sed ama etiam ecclesiasticas legere litteras, et non multa invenies, quae requiras ex me, sed legendō et ruminando, si etiam pure Dominum largitorum omnium depreceris, omnia quae cognitione digna sunt, aut certe plurima, ipso magis inspirante, quam hominum aliquo commonente perdisces. Quanquam eo ipso, quo forinsecus bene admonentem judicio non errante approbamus, quid aliud quam internum lumen, magistrum nos habere testamur.

¹ Rom. v, 5. — ² 1 Cor. i, 31. — ³ Jacob. i, 19.

EPISTOLA CXLI¹.

SILVANUS Senex, VALENTINUS, AURELIUS (5), INNOCENTIUS, MAXIMINUS, OPTATUS, AUGUSTINUS, DONATUS, et cæteri episcopi de concilio Zertensi ad Donatistas.

*Ad populum factionis Donatianæ, quomodo illorum episcopi in Carthaginensi collatione convicti sint.
Itaque nunc demum redeant ad Ecclesiam catholicam communionem.*

I. CUM in auribus nostris fama crebresceret, hoc vobis vestros episcopos dicere, Cognitorem² præmio fuisse corruptum, ut contra eos sententia proferretur; vos autem ista facile credere, ac propterea multos vestrum adhuc nolle acquiescere veritati: placuit nobis, cogente Domini charitate, ex concilio nostro hæc ad vos scripta dirigere, quibus primitus admoneremini illos vobis victos atque convictos hæc mendacia jactare: qui etiam in suo Mandato, quod pro illa collatione fecerunt, et suis nominibus atque subscriptionibus firmaverunt, nos illic tradidores et persecutores suos esse dicentes, in falsitate atque mendacio manifestissimo detecti atque convicti sunt; ita ut volentes gloriari de multitudine coëpiscoporum suorum, inter aliquorum absentium nomina etiam mortui nomen insererent: et cum quereretur ubi esset, subita perturbatione cæcati, ipsi eum confiterentur in itinere defecisse. Et cum interrogarentur, quomodo potuerit apud Cartha-

¹ Alias CLII. quæ autem 141 erat, nunc 264. — Scripta die 14 Junii an. 412. — ² Marcellinum,

ginem subscribere, qui in itinere jam defecerat, vehementius perturbati, alio mendacio se obligaverunt, respondentes eum a Carthagine redeuntem fuisse defunctum: de quo mendacio exire omnino minime potuerunt. Ecce quibus creditis vel de antiqua traditione, vel de Cognitoris corruptione, qui Mandatum suum, ubi nobis objecerunt crimen traditionis, non potuerunt conscribere sine crimine falsitatis. Proinde quæ maxime necessaria credimus, his litteris tanquam breviario collecta inseruimus, ne forte ad magna Gestorum volumina vel pervenire non facile possitis, vel ea legere laboriosum putetis. II. Carthaginem venimus et nos et episcopi vestri, et quod prius solebant, et indignum esse dicebant, in unum convenimus. Electi sunt ex nobis et ex ipsis, septem hinc, et septem inde, qui pro causa omnium loquerentur. Electi sunt alii septem hinc, et septem inde, cum quibus, ubi opus erat, consilium pertractarent. Electi sunt quatuor hinc et quatuor inde, qui Gestis conscribendis custodes essent, ne infalsatum aliquid ab aliquo diceretur. Dati sunt etiam a nobis et ab ipsis notarii quatuor hinc, et quatuor inde, ut bini cum exceptoribus judicis alternarent, ne aliquis nostrum se dixisse aliquid causaretur, quod non fuisset exceptum. Huic tantæ diligentiae etiam illud est additum, ut et nos et ipsi, quemadmodum ipse judex, verbis nostris subscriberemus, ne quisquam diceret in illis Gestis aliquid vel postea fuisse corruptum. Cum enim adhuc viventibus eis, qui subscriperunt, innotuerint eadem Gesta omnibus locis, in quibus oportet ut innotescant; sic etiam ad posteros confirmata veritas perdurabit. Nolite ergo esse ingrati tantæ misericordiæ Dei, quæ per istam diligentiam vobis ministrata est. Nulla excusatio jam remansit, nimium dura, nimium dia-

bolica sunt hominum corda, quæ adhuc tantæ manifestatiōni veritatis obsistunt.

III. Ecce episcopi partis vestræ quos omnes elegerunt, ut pro omnibus loquerentur, conati sunt, quantum posse tuerunt, ut omnino ipsa causa non ageretur, propter quam tantus numerus episcoporum utriusque partis de universa Africa, et de tam longinquis locis Carthaginem venerat. Et cum omnis anima suspensa expectaret in tanta collectione quid ageretur, illi vehementer instabant ut nihil ageretur. Quare hoc? nisi quia causam suam malam sciebant, et facilime se posse vinci, si ageretur, dubitare non poterant. Ipse ergo animus eorum, quo timebant ne causa ageretur, jam victos eos esse monstrabat. Si enim extorquerent quod volebant, ut jam collatio ipsa non fieret, nec disputationibus nostris veritas appareret, redeentes a Carthagine, quid vobis erant responsuri, quid demonstratur? Credo prolaturi erant Gesta, et dicturi vobis: Nos instabamus ut causa non ageretur, illi instabant ut ageretur. Vos expectatis videre quid egerimus: ecce legite ubi eos vicimus, ut nihil ageremus. Forte et vos responderetis, si cor haberetis: Nihil ergo acturi, ut quid istis? vel potius qui nihil egisti, ut quid redistis?

IV. Denique posteaquam non potuerunt efficere quod conati sunt, id est, ut causa non ageretur; ipsa actio demonstravit quid timuerint, quando in omnibus victi sunt. Confessi sunt enim contra Ecclesiam catholicam, quæ toto terrarum orbe diffunditur, nihil se habere quod dicerent; quia divinis sanctorum Scripturarum testimoniis oppressi sunt, quibus Ecclesia designatur incipiens ab Jerusalem creuisse per loca, in quibus Apostoli praedicaverunt, et nomina eorumdem locorum in suis Epistolis et Actis conscripserunt, et inde diffundi per cæteras gentes. Contra istam Ecclesiam se non habere causam ma-

nifesta voce professi sunt, ubi est evidentissima in nomine Dei nostra victoria. Cum enim confirmant Ecclesiam, cui nos communicare, ipsos autem non communicare manifestum est, olim se victos esse testantur; et vobis si sapiatis, apertissime indicant quid dimittere, et quid tenere debeatis, non ea falsitate, qua vobis non cessant adhuc usque mentiri, sed illa veritate quam victi coacti sunt confiteri.

V. Quisquis ergo ab hac catholica Ecclesia fuerit separatus, quantumlibet laudabiliter se vivere existimet, hoc solo scelere quod a Christi unitate disjunctus est, non habebit vitam; sed ira Dei manet super eum. Quisquis autem in hac Ecclesia bene vixerit, nihil ei præjudicant aliena peccata; quia « Unusquisque in ea proprium onus portabit⁴, » sicut Apostolus dicit. Et « Quicumque in ea corpus Christi manducaverit indigne, judicium sibi manducat et bibit²: » nam etiam hoc ipse Apostolus scripsit. Cum autem dicit: « Judicium sibi manducat, » satis ostendit, quia non alteri judicium manducat, sed sibi. Hoc nos egimus, et ostendimus, et obtinuimus, quia communio malorum non maculat aliquem participatione sacramentorum, sed consensione factorum. Nam si in factis malis non eis quisque consentiat; portat malus causam suam et personam suam, nec præjudicat alteri, quem in consensione mali operis socium non habet criminis.

VI. Hoc etiam ipsi voce apertissima coacti sunt confiteri, non tunc quando ista dicebamus, sed postea cum aliud ageretur. Nam cum ventum fuisset ad causam etiam Cæciliani, quam nos ab Ecclesiæ causa distinguebamus, ut si forte malus esset inventus, ipsum anathematizaremus, non tamen propter ipsum Ecclesiam Christi relin-

⁴ Galat. vi, 5. — ² 1 Cor. xi, 29.

queremus, cui per malam suam causam præjudicare non posset: cum ergo etiam ad ipsam Cæciliani causam ventum fuisse, et legissent illi concilium Carthaginense¹, ubi recitabant septuaginta plus minus episcoporum sententias contra Cæcilianum absentem prolatas: respondimus eis, sic non obesse illud episcoporum concilium absenti Cæciliano, quemadmodum non obfuit plurimum episcoporum partis Donati concilium² absenti Primiano, quando eum in Maximiani causa plus minus centum episcopi damuaverant. Tunc illi nominata causa Maximiani, unde sciunt se etiam quos damnaverant, in honore integro suscepisse, et baptismum in sacrilego Maximiani schismate datum se confirmasse, et non destruxisse; et in sua Bagaitana³ sententia, qua eos damnaverunt, quibusdam qui in ipso schismate fuerunt, dilationem dedisse, et dixisse quod eos non polluerint sacrilegi surculi Maximiani plantaria: ista ergo causa posteaquam eorum aures percussit, expavescentes et perturbati, et oblii unde superius contra nos contendebant, continuo dixerunt: « Nec causa causæ, nec persona personæ præjudicat: » et confirmaverunt verbis suis quod nos antea de Ecclesia dicebamus, quia non solum Catholicæ transmarinæ, contra quam se confessi sunt non habere quod dicerent, verum etiam Catholicæ Africanæ, quæ illi unitatis communione conjungitur, causa et persona Cæciliani, qualiscumque fuisse, præjudicare non posset; si Maximianus, qui cum cæteris sociis suis Primianum damnavit; si etiam Felicianus, qui simul Primiaum damnavit, et postea in causa Primiani a Donati parte damnatus est, non præjudicat parti Donati, cui modo episcopus, sicut antea

¹ An. 311 habitum a factiosis. — ² Cabarsussitanum an. 393 ejus epistola synodica in Enarrat. in Psal. 36. — ³ An. 394 pronuntiata, quæ habetur in lib. 3. cont. Crescon, cap. 53.

fuerat, receptus adjungitur; si etiam ipsis sociis suis Maximianus non præjudicat, quibus isti dilationem derunt, dicentes eos ab illo, cum quo fuerunt, non fuisse pollutos, quia « Nec causa causæ præjudicat, nec persona personæ. »

VII. Quid ergo quæritis amplius? Multis quidem verbis superfluis Gesta oneraverunt; et quia non potuerunt efficere ut causa non ageretur, hoc fecerunt multum loquendo, ut quod actum est difficile legeretur. Sed debent vobis etiam ista eorum pauca verba sufficere, ne propter nescio quæ, nescio quorum hominum crimina, oderitis unitatem catholicæ Ecclesiæ: quia sicut ipsi dixerunt, relegerunt, subscripterunt: « Nec causa causæ præjudicat, nec persona personæ. » Nam et in ipsa causa Cæciliani, quam licet ad Ecclesiæ causam non pertinentem, tamen defendendam suscepimus, ut etiam ibi calumniæ manifestarentur ipsorum, apertissime victi sunt, nihilque eorum quæ in Cæcilianum intendebant, probare potuerunt. Insuper etiam de criminibus traditionis nos episcopalia Gesta protulimus¹, unde recitavimus aliquos eorum episcoporum, qui sententias in absentem dixerant Cæcilianum, manifestissimos fuisse tradidores. Contra Ipsa Gesta illi, quia non habebant quod dicerent, falsa esse dixerunt; sed nullo modo probare potuerunt.

VIII. Insuper etiam confessi sunt, vel potius pro magna gloria profesi sunt, Cæcilianum apud Constantiū Imperatorem a suis præcessoribus accusatum. Et addiderunt mendacium, quod illis accusantibus fuerit ab Imperatore damnatus. Ecce et hinc vicli sunt, unde vobis solent nebulas erroris offundere, concitantes nobis invidiam, et in odium vestrum nos adducentes, quia Ec-

¹ Cirtensis Conc. an. 305 habiti, quæ extant in lib. 3 contra Crescon. cap. 27.